



Broj: 01-16-12-224-2/20
Banja Luka, 20.01.2020. godine

Na osnovu člana 7. stav 1. Zakona o sistemu indirektnog oporezivanja u BiH ("Službeni glasnik BiH", broj: 44/03, 52/04, 34/07, 4/08, 49/09, 32/13 i 91/17) i Odluke o raspisivanju ponovljenog javnog oglasa za prikupljanje ponuda za carinski terminal za potrebe Carinske ispostave Novi Grad, broj: 01-16-12-224/20 od 16.01.2020. godine, direktor prave za indirektno oporezivanje (u daljem tekstu: UIO), *o b j a v l j u j e*

TENDERSKU DOKUMENTACIJU

za prikupljanje ponuda za carinski terminal za potrebe Carinske ispostave Novi Grad

I - Predmet ponovljenog javnog oglasa:

Predmet ponovljenog javnog oglasa je prikupljanje ponuda za carinski terminal za potrebe Carinske ispostave Novi Grad.

Prostor-Carinski terminal mora se nalaziti uz javnu saobraćajnicu, te biti lociran u neposrednoj blizini Carinske ispostave Novi Grad maksimalne udaljenosti do 1 km od iste.

Prostor - Carinski terminal mora činiti jednu cjelinu, biti asfaltiran, ograđen, osvijetljen, obezbjeđen 24-časovnim fizičkim obezbjeđenjem i videonadzorom, obezbjeđen mrežnim i telefonskim kablovima, posjedovati agregat i kolsku vagu.

Carinski terminal mora, pored prednje navedenog, ispunjavati minimalno i sljedeće uslove:

1. minimalno 100 m² arhivskog prostora opremljenog policama;
2. minimalno 200 m² zatvorenog prostora za smještaj oduzete robe;
3. minimalno 200 m² otvorenog prostora za smještaj oduzete robe;
4. prostor minimalne površine 2.000 m², namijenjen za smještaj teretnih motornih vozila;
5. sanitarni čvor za druge korisnike carinskog terminala i sanitarni čvor sa tušem za vozače;
6. 50 tonsku kolsku vagu;
7. viljuškar nosivosti minimalno 2,5t;
8. agregat;
9. priključak za telefon i ostale komunikacijske uređaje.

II - Pravo učešća:

Pravo učešća imaju sva pravna i fizička lica koji su vlasnici ili korisnici prostora koji se nudi za carinski terminal.

Držalac carinskog terminala može biti samo jedan subjekt koji je odgovoran za carinsku robu koja se nalazi pod carinskim nadzorom za vrijeme boravka robe u terminalu.

III - Preuzimanje tenderske dokumentacije:

Tenderska dokumentacija se može preuzeti po objavi javnog oglasa u dnevnim novinama: „Nezavisne novine“ i „Glas Srpske“, na internet stranici Uprave za indirektno oporezivanje, <http://www.uino.gov.ba/>, te svakim radnim danom od 8,00-14,00h u Upravi za indirektno oporezivanje, Ulica Bana Lazarevića bb, Banja Luka, II sprat.

IV - Sadržaj ponude:

1. Pismenu izjavu o ispunjavanju uslova iz glave I ove tenderske dokumentacije,
2. Dokaz da je podnosilac ponude vlasnik ili da ima pravo korišćenja predmetnog prostora na period ne kraći od deset godina,
3. Skicu i tehnički opis prostora sa navođenjem svih ostalih prostora koji su funkcionalno, stvarno, poslovno ili na bilo koji drugi način povezani sa prostorom koji je predmet ponude,
4. Dokaz da prostor namijenjen za carinski terminal za potrebe Carinske ispostave Novi Grad ima upotrebnu dozvolu,
5. Pismenu izjavu da ponuđač ispunjava uslove iz člana 4. Odluke o carinskom terminalu („Službeni glasnik BiH“, broj: 11/2016)
6. Da su ispunili obaveze u vezi sa plaćanjem indirektnih poreza u BiH (uvjerenje nadležnog regionalnog centra Uprave za indirektno oporezivanje ne starije od tri mjeseca računajući od dana podnošenja ponude),
7. Da su ispunili obaveze u vezi sa plaćanjem direktnih poreza u skladu sa relevantnim zakonskim odredbama u BiH (uvjerenje nadležne poreske uprave ne starije od tri mjeseca računajući od dana podnošenja ponude),
8. Pismenu izjavu ponuđača o udaljenosti prostora koji je predmet ponude od Carinske ispostave Novi Grad,
9. Pisanu izjavu ponuđača kojom se obavezuje da će:
 - Za izvršenje službenih radnji carinskog organa osigurati nesmetan pristup službenom mjestu te svim ostalim prostorima koji su funkcionalno, stvarno, poslovno ili na bilo koji način s njim povezani,
 - Da neće dozvoliti neovlašteni ulazak u prostor carinskog terminala, te da će osigurati fizičko obezbjeđenje kao i sistem video nadzora uz obaveznu čuvanja video-zapisa,
 - Da će otvoreni i zatvoreni prostor carinskog terminala biti odgovarajućeg kvaliteta za držanje carinske robe uzimajući u obzir vrstu i prirodu robe,
 - Da će voditi tačnu evidenciju o robi smještenoj u skladišni prostor (otvoreni i zatvoreni skladišni prostor) o razduženju iste, te da preuzima odgovornost za oštećenje ili nestanak te robe,
 - Da će vršiti uredno održavanje carinskog terminala i to: uređenje i čišćenje parking prostora, skladišnog prostora, sanitarnih prostorija, vršiti čišćenje terminala od snježnih padavina i drugih elementarnih nepogoda, te po pozivu UIO otkloniti uočene kvarove i nedostatke,
 - Da je saglasan da u slučaju zaključenja ugovora, UIO zadržava pravo raskida ugovora u bilo kom momentu, bez otkaznog roka, ukoliko prestanu potrebe za istim ili vlasnik prostora ne poštuje ugovorene obaveze ili iz drugih razloga, bez obaveze navođenja i obrazloženja istih,
10. Pisanu izjavu ponuđača da će, u slučaju zaključenja ugovora o korištenju carinskog terminala, dostaviti bankovnu garanciju za pokriće eventualno neizmirenog

pripadajućeg dijela naknade za korištenje carinskog terminala sa rokom trajanja od godinu dana, uz obavezu obnavljanja iste u iznosu koji utvrdi UIO,

11. Pisanu izjavu ponuđača kojom se obavezuje da će:

- omogućiti ulazak motornih vozila na parking koji je predmet ovog ugovora tokom 24 sata, zaposlenim u Upravi za indirektno oporezivanje – Regionalni centar Banja Luka, kada je to njima potrebno,
- obezbijediti radnike koji će vršiti prijem vozila na parking,
- vršiti naplatu naknade za korišćenje carinskog terminala,
- naknadu za korišćenje carinskog terminala naplaćivati shodno Odluci o carinskom terminalu („Službeni glasnik BiH“, broj: 11/2016) i Instrukciji o postupku naplate naknade za korištenje carinskog terminala i kontroli poštivanja ugovora („Službeni glasnik BiH“, broj: 42/2016), u iznosu kako slijedi:
 - a) za teretna motorna vozila i druga vozila koja ne spadaju u kategoriju putničkih vozila u iznosu od 40,00 KM,
 - b) za putnička vozila u iznosu od 10,00 KM, po danu,
 - c) za sva prazna vozila nosivosti preko 3,5 tone u iznosu od 5,00 KM, po prelasku kroz terminal.

- obzirom da Uprava za indirektno oporezivanje Carinska ispostava Novi Grad nema potrebu za kancelarijskim prostorom, 55% od ukupnog prihoda od naknade za korištenje carinskog terminala iz tačaka a), b) i c) mjesečno uplaćivati do 10-tog u tekućem mjesecu za prethodni mjesec, na jedinstveni račun Uprave za indirektno oporezivanje, uplatom na odgovarajući depozitni račun kod komercijalnih banaka u skladu sa Pravilnikom o uplaćivanju indirektnih poreza i ostalih prihoda i naknada koje naplaćuje UIO („Službeni glasnik BiH“, broj: 99/07, 31/08 i 51/09).

12. Pisanu izjavu ponuđača da će:

- snositi sve troškove u vezi sa osiguranjem uslova iz člana 4. Odluke o carinskom terminalu („Službeni glasnik BiH“, broj: 11/2016), uključujući i režijske troškove (struja, voda, čistoća, naknada za zemljište i slično, te troškove redovnog održavanja i čišćenja terminala i troškove čišćenja terminala od snježnih padavina i drugih elementarnih nepogoda).
- snositi sve troškove u vezi smještaja, čuvanja i manipulacije robe u skladišnim prostorima na carinskom terminalu.

NAPOMENA: Ugovorni organ-Uprava za indirektno oporezivanje zadržava pravo da kod nadležnih institucija izvrši provjeru istinitosti dostavljenih izjava i dokaza traženih u tački IV-Sadržaj ponude Tenderske dokumentacije.

Ukoliko ponuđač ne dostavi bilo koji dokaz, ili dostavi ponudu suprotno propisanom načinu iz glave IV tenderske dokumentacije njegova ponuda neće se uzeti u dalje razmatranje.

Ponuđači snose sve troškove u vezi sa pripremom i dostavljanjem svojih ponuda.

Ponuda se izrađuje na način da čini cijelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom i pečatom ponuđača. **Svi listovi ponude moraju biti čvrsto uvezani na način da se onemogućí naknadno vađenje ili umetanje listova** (npr. kao knjiga ili povezane jemstvenikom - vrpcom).

Traženi dokazi izdati od nadležnog organa, dostavljaju se u originalu ili ovjerenoj kopiji kod nadležnog organa.

Pismene izjave ponuđača potrebno je dostaviti u orginalu, ovjerene potpisom i pečatom ovlaštenog lica za zastupanje ponuđača.

V - Kriterij dodjele ugovora

Ugovor se dodjeljuje kvalifikovanom ponudaču koji je dostavio najbolje ocijenjenu prihvatljivu ponudu u skladu sa niže navedenim kriterijima.

- opremljenost i stanje terminala.....70%,
- položaj terminala u odnosu na traženu lokaciju.....20%,
- ostale pogodnosti koje nudi terminal za obavljanje poslova iz nadležnosti UIO.....10%.

VI - Period važenja ponude:

Ponuda obavezuje ponuđače za period od 90 (devedeset) dana od isteka roka za dostavljanje ponuda.

U izuzetnim slučajevima, i prije isteka važenja ponude, Ugovorni organ može zahtijevati od ponuđača, u pisanoj formi, da produži period važenja ponude za još 30 (trideset) dana.

Ponuđači koji se s tim slože ne smiju mijenjati ponude.

Ponuda obavezuje najuspješnijeg ponuđača na dodatni period na 60 (šezdeset) dana nakon prijema obavijesti da je njegova ponuda izabrana.

VII - Mjesto, datum i vrijeme za prijem ponude:

Propisno kovertirane i zatvorene ponude dostaviti na protokol Uprave za indirektno oporezivanje, Banja Luka, Ulica Bana Lazarevića bb, **najkasnije do 29.01.2020. godine do 12 sati.**

Na omotu koverta obavezno je naznačiti naziv i adresu ponuđača, sa napomenom:

„Ponuda za javni oglas, prikupljanje ponuda za carinski terminal za potrebe Carinske ispostave Novi Grad - Ne otvarati, otvara komisija“

Ponude primljene poslije vremena određenog za podnošenje ponuda biće vraćene neotvorene.

VIII - Mjesto, datum i vrijeme otvaranja ponude:

Javno otvaranje ponuda izvršit će se dana **29.01.2020.godine u 12,15 sati** u prostorijama Središnjeg ureda u Banja Luci, a po potrebi obilazak ponuđenih lokacija Komisija će izvršiti naknadno uz prethodnu najavu.

IX - Upotreba jezika:

Ponude, cjelokupna korespondencija i dokumenti u vezi s javnim oglasom koja je razmijenjena između ponuđača i Uprave mora biti sačinjena na jednom od zvaničnih jezika u Bosni i Hercegovini.

X - Ostale odredbe:

Na predmetni postupak javnog oglasa ne primjenjuje se Zakon o javnim nabavkama Bosne i Hercegovine („Službeni glasnik BiH“, broj: 39/14), shodno članu 10. stav 1. tačka e) istog.

Uprava za indirektno oporezivanje zadržava pravo da u slučaju promjenjenih okolnosti poništi javni oglas i sve sprovedene radnje u bilo kojoj fazi postupka.

DIREKTOR

Dr. Miro Džakula

OBRAZAC ZA PONUDU

Broj nabavke: 01-16-12-224/20

Broj ponude: _____

Datum: _____

UGOVORNI ORGAN:

Naziv ugovornog organa	Uprava za indirektno/neizravno oporezivanje
Adresa	Bana Lazarevića bb, 78 000 Banja Luka
Sjedište	Banja Luka

PONUĐAČ:

Naziv i sjedište ponuđača	
Adresa	
IDB/JIB	
Broj žiro računa	
Da li je ponuđač u sistemu PDV:	
Adresa za dostavu pošte	
E – mail	
Kontakt osoba	
Broj telefona	
Broj faksa	